


Bosna i Hercegovina
Federacija Bosne i Hercegovine
ZENIČKO-DOBOJSKI KANTON
KANTONALNI SUD U ZENICI
Broj:004-0-SuDp-25-000001



IZVJEŠTAJ O RADU KANTONALNOG SUDA U ZENICI ZA 2024. GODINU

Zenica, Januar 2025. godine

S A D R Ź A J

I UVODNE NAPOMENE	2
II PROTOK PREDMETA, KVANTITET RADA, KVALITET RADA, REALIZACIJA PLANA RJEŠAVANJA PREDMETA ZA 2024. GODINU, TRAJANJE PREDMETA, OPTIMALNI I PREDVIDIVI ROKOVI, IZRADA SUDSKIH ODLUKA I SUDSKE NAGODBE	3
1. Protok predmeta	3
2. Kvantitet rada	4
2.1. Kvantitet rada po nosiocima pravosudne funkcije	5
3. Kvalitet rada	6
3.1. <i>Kvalitet rada po nosiocima pravosudne funkcije</i>	7
4. Realizacija Plana rješavanja predmeta za 2024. godinu	9
5. Trajanje predmeta	12
6. Optimalni i predvidivi rokovi	13
7. Sudska nagodba	13
III RAD KRIVIČNOG ODJELJENJA	14
1. Potvrđivanje optužnica K-Kps	14
2. Prvostepeni krivični referat K-K	14
3. Predmeti ratnih zločina	15
4. Predmeti korupcije i organizovanog kriminala	16
5. Drugostepeni krivični referat K-Kž	17
6. Drugostepeni prekršajni referat Pr-Pžp	17
IV GRAĐANSKO ODJELJENJE	18
1. Drugostepeni građanski referat	18
2. Drugostepeni privredni referat	18
3. Priznanje stranih sudskih odluka	19
V ODJELJENJE ZA UPRAVNE SPOROVE	19
VI SUDSKA UPRAVA	19
1. Primjena Smjernica za prevenciju seksualnog i rodno zasnovanog uznemiravanja u pravosudnim institucijama u BiH	25
2. Informacija o aktivnostima, poduzetim u cilju implementacije Strategije za unapređenje rodne ravnopravnosti u pravosuđu BiH, i postignuti rezultati	26
VII ZAKLJUČNE NAPOMENE	28

I UVODNE NAPOMENE

Kantonalni sud u Zenici je najviša instanca sudske vlasti u Zeničko-dobojskom kantonu. Organizacija, nadležnost, finansiranje, pravosudna uprava i druga pitanja od značaja za organizaciju i funkcionisanje sudova na teritoriji Federacije Bosne i Hercegovine uređene su Zakonom o sudovima u Federaciji Bosne i Hercegovine ("Službene novine Federacije Bosne i Hercegovine" broj: 38/05, 22/06, 63/10, 72/10, 7/13, 52/14 i 85/21).

Odredbom člana 28. ovog Zakona utvrđena je stvarna nadležnost kantonalnih sudova propisivanjem prvostepene i drugostepene nadležnosti, dok je odredbom člana 63. Zakona propisano da sudovi podnose godišnju informaciju o svom radu nadležnom ministarstvu pravde i Visokom sudskom i tužilačkom vijeću Bosne i Hercegovine do 31. marta tekuće godine.

Pod jurisdikcijom Kantonalnog suda u Zenici su: Općinski sud u Zenici, Općinski sud u Visokom sa Odjeljenjem u Olovu, Općinski sud u Zavidovićima sa Odjeljenjem u Maglaju, Općinski sud u Kaknju, Općinski sud u Žepču i Općinski sud u Tešnju.

Kantonalni sud u Zenici je u 2024. godini poslove i zadatke vezane za ostvarenje sudijske funkcije obavljao kroz svoje 3 organizacione jedinice: građansko, krivično i odjeljenje za upravne sporove. Broj sudija koji je u 2024. godini rješavao predmete građanskog odjeljenja je 14, dok je broj sudija koji je u 2024. godini rješavao predmete krivičnog i upravnog odjeljenja 5.

Pružanje psihološke, tehničke i drugih vidova podrške svjedocima prije, za vrijeme i nakon svjedočenja u krivičnim postupcima koji su se vodili pred Kantonalnim sudom u Zenici je vršeno putem Odjela za podršku svjedocima.

Ostali poslovi i zadaci obavljani su kroz odjeljenje sudske uprave (odsjek za administrativno-tehničke poslove – sudska pisarnica, odsjek za računovodstvo i odsjek za pomoćno-tehničke poslove).

Prema Odluci Visokog sudskog i tužilačkog vijeća Bosne i Hercegovine od 16.12.2009. godine za Kantonalni sud u Zenici je utvrđen broj od osamnaest redovnih sudija uključujući i predsjednika suda i šest dodatnih sudija. Zeničko-dobojski kanton od polovine 2010. godine obezbjeđuje novčana sredstva za svih osamnaest redovnih sudija i dvoje dodatnih sudija.

Na rješavanju predmeta radilo je dominantno sedamnaest redovnih sudija sa predsjednicom suda i jedan dodatni sudija.

Nepopunjenost suda jednim redovnim sudijom je uzrokovana prestankom mandata sudije zbog imenovanja na funkciju sudije Vrhovnog suda Federacije Bosne i Hercegovine.

U 2024. godini predsjednica suda je odsustvovala u periodu od 25.09.2024. do 27.09.2024. godine radi učešća na međunarodnoj Regionalnoj konferenciji: Efikasan odgovor pravosuđa na organizovani kriminal i korupciju na Zapadnom Balkanu u organizaciji OSCE Misije u Bosni i Hercegovini uz finansijsku podršku Evropske komisije zajedno sa Misijama OSCE-a u Albaniji, Crnoj Gori, Kosovu, Sjevernoj Makedoniji i Srbiji. Na konferenciji su praktičari iz zemalja Zapadnog Balkana predstavili svoja iskustva i razmijenili mišljenja o načinima kako poboljšati procesuiranja predmeta organizovanog kriminala i korupcije u Bosni i Hercegovini i regiji. Konferencija je održana 26. i 27.09.2024. godine u Budvi, Crna Gora.

U Kantonalnom sudu u Zenici u 2024. godini je radilo 9 državnih službenika i 31 namještenik.

II PROTOK PREDMETA, KVANTITET RADA, KVALITET RADA, REALIZACIJA PLANA RJEŠAVANJA PREDMETA ZA 2024. GODINU, TRAJANJE PREDMETA, OPTIMALNI I PREDVIDIVI ROKOVI, IZRADA SUDSKIH ODLUKA I SUDSKE NAGODBE

1. Protok predmeta

Na kraju 2023. godine u Kantonalnom sudu u Zenici broj neriješenih predmeta je iznosio 400. U toku 2024. godine Kantonalni sud u Zenici je zaprimio u rad 3616 predmeta (592 predmeta manje nego u 2023. godini), tako da je u 2024. godini u radu bilo ukupno 4016 predmeta.

Smanjenje broja primljenih predmeta u 2024. godini u odnosu na 2023. godinu je zabilježeno na parničnom referatu (u 2023. godini priliv ovih predmeta je iznosio 1675, dok je u 2024. godini priliv ovih predmeta iznosio 1074 ili za 601 predmet manje), na zemljišno-knjižnom referatu (u 2023. godini priliv ovih predmeta je iznosio 337, dok je u 2024. godini priliv ovih predmeta iznosio 213 ili za 124 predmeta manje), na vanparničnom referatu (u 2023. godini priliv ovih predmeta je iznosio 237, dok je u 2024. godini iznosio 201 ili za 36 manje), te na privrednom referatu (u 2023. godini priliv ovih predmeta je iznosio 100, dok je u 2024. godini iznosio 78 ili za 22 predmeta manje).

Povećanje broja primljenih predmeta u 2024. godini u odnosu na 2023. godinu je zabilježeno na krivičnom referatu (u 2023. godini priliv ovih predmeta je iznosio 761, dok je u 2024. godini iznosio 826 ili za 65 predmeta više, na prekršajnom referatu (u 2023. godini priliv ovih predmeta iznosio je 299, dok je u 2024. godini iznosio 304 ili za 5 predmeta više), na upravnom referatu (u 2023. godini priliv ovih predmeta iznosio je 430, dok je u 2024. godini iznosio 470 ili za 40 predmeta više), na izvršnom referatu (u 2023. godini priliv ovih predmeta je iznosio 327, dok je u 2024. godini priliv ovih predmeta iznosio 358 ili za 31 predmet više).

U 2024. godini na svim referatima je riješeno 3650 predmeta. Procenat svih riješenih predmeta u 2024. godini u odnosu na priliv u 2024. godini iznosi 100,94 %.

U pogledu krivičnih predmeta taj procenat iznosi 92,37 %, vanparničnih 103,48 %, prekršajnih 95,72 %, parničnih 106,63 %, izvršnih 103,07 %, privrednih 98,72 %, zemljišno-knjižnih 109,39 % i upravnih 100,21 %.

Na dan 31.12.2024. godine, broj neriješenih predmeta u Kantonalnom sudu u Zenici na svim referatima iznosi 366. U odnosu na 2023. godinu, broj neriješenih predmeta je manji za 34 predmeta.

Od 366 neriješenih predmeta, na predmete građanskog odjeljenja otpada 101 predmet (parničnih 58, izvršnih 21, zemljišno-knjižnih 3, privrednih 15 i vanparničnih 4).

Na predmete krivično-prekršajnog odjeljenja otpada 155 predmeta (K-K 14 predmeta, K-Kž-Kžk 107 predmeta, K-Kbs 11 predmeta, K-Kps 7 predmeta, K-Kvl 6 predmeta, K-Kv 6 predmeta i K-Mpom 3 predmeta, K-Iksž 1 predmet).

Na predmete odjeljenja za upravne sporove otpada 97 predmeta (93 predmeta predstavljaju U-U predmete, 3 predmeta U-Uvp i 1 predmet U-Uz).

Iako Kantonalni sud u Zenici u 2024. godini poslove sudijske funkcije nije obavljao u punom sastavu, a 13 sudija ovog suda je u određenim periodima rješavalo predmete Kantonalnog suda u Sarajevu, broj neriješenih predmeta na kraju 2024. godine u odnosu na 2023. godinu je manji za 34. Da je to tako proizilazi iz Tabelarnog pregleda - Protok predmeta po vrstama i referatima za 2023. godinu i Tabelarnog pregleda - Protok predmeta po vrstama i referatima za 2024. godinu, a koji pregledi su u prilogu ovog izvještaja.

2. Kvantitet rada

Ostvarena kolektivna norma suda za 2024. godinu iznosi 96,04 %, dok ostvarena kolektivna norma za 2024. godinu u situaciji uračunavanja riješenih predmeta Kantonalnog suda u Sarajevu od strane sudija ovog suda iznosi 113,35%.

U pogledu sudija koji su u izvještajnom periodu obavljali funkciju predsjednice suda i predsjednika odjeljenja (Snježana Čolaković, Jasmina Begović-Devović, Nermin Tešnjak i Hilmo Ahmetović), ostvarene norme prema broju završenih predmeta su preračunate na osnovu određenja iz člana 14. stav 2. tačka e) i člana 15. stav 2. tačka a) i b) Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini (Predsjednica suda je bila u obavezi da ostvari 30% sudijske norme, predsjednica građanskog odjeljenja Jasmina Begović-Devović 70% sudijske norme, a predsjednici krivičnog odjeljenja i odjeljenja za upravne sporove, sudije Nermin Tešnjak i Hilmo Ahmetović su bili u obavezi da ostvare 90% sudijske norme).

Prosječnu godišnju normu veću od 100 % su ostvarile sve sudije ovog suda.

Sudijama: Ranki Baškarad, Nusretu Haliloviću, Nedeljki Mađar-Ramljak, Ljilji Subašić, Mariu Aniću, Nini Makivić, Srećku Kokoru, Rami Ljevaković i Saneli Popović su njihove efektivne norme uvećane za 5 %, a Albisi Kapić i Indiri Pašić su norme uvećane za 7 % na osnovu odredbe člana 9. stav 5. Pravilnika o orijentacionim mjerilima za rad sudija i stručnih saradnika u sudovima u Bosni i Hercegovini, prema

kojoj odredbi kada sudija u kantonalnom/okružnom sudu i Osnovnom sudu Brčko Distrikta BiH i Sudu BiH postupa u krivičnim prvostepenim predmetima kao član sudskog vijeća, predsjednik suda može prilikom obračuna uvećati njegovu efektivno ostvarenu normu do 40 %.

2.1. Kvantitet rada po nosiocima pravosudne funkcije


Po nosiocima pravosudne funkcije prosječna godišnja norma iznosi:

I PREDsjednica SUDA	
Snježana Čolaković	124,90 %

II PREDsjednici ODJELJENJA				
RB.	Ime i prezime	Norma u Kantonalnom sudu u Zenici	Norma u Kantonalnom sudu u Sarajevu	UKUPNO
1.	Nermin Tešnjak	101,45%		112,72%
2.	Jasmina Begović-Devović	99,91%	12,33%	110,03%
3.	Hilmo Ahmetović	104,56%		116,17%

III SUDIJE				
RB.	Ime i prezime	Norma u Kantonalnom sudu u Zenici	Norma u Kantonalnom sudu u Sarajevu	UKUPNO
1.	Ranka Baškarad	85,19%	20,20%	105,39%
2.	Albisa Kapić	94,55%	8,59%	103,14%
3.	Nusret Halilović	96,57%	8,59%	105,26%
4.	Nedeljka Mađar-Ramljak	103,39%	10,20%	113,59%
5.	Ljilja Subašić	84,85%	18,69%	103,54%
6.	Mario Anić	105,41%	3,54%	108,95%
7.	Indira Pašić	97,09%	13,13%	110,22%
8.	Nina Makivić	93,51%	12,63%	106,14%
9.	Srećko Kokor	82,14%	18,18%	100,32%
10.	Nedžad Baković	20,98%	110,90%	131,88%
			Norma u Općinskom sudu u Kiseljaku	
11.	Enes Maličbegović	138,34%		138,34%
12.	Ismar Jukić	32,20%	95,12%	127,32%
13.	Ramo Ljevaković	101,56%	5,56%	107,31%
14.	Amela Bajramović-Softić	123,22%		123,22%
15.	Sanela Popović	78,26%	26,87%	105,13%

KVANTITET ODLUKA PO SUDIJAMA




Grafički prikaz kvantiteta odluka po sudijama

3. Kvalitet rada

Ukupan broj donesenih odluka u 2024. godini na koje se mogao izjaviti pravni lijek je 1705. Ukupan broj ožalbenih odluka je 250. Broj potvrđenih odluka je 167, preinačenih 47, djelimično ukinutih 1 i ukinutih 35.

OŽALBENE ODLUKE KANTONALNOG SUDA U ZENICI




Grafički prikaz kvaliteta odluka Kantonalnog suda u Zenici

Kvalitet sudskih odluka za sve predmete na nivou suda u 2024. godini iznosi 88,83 %, dok je u 2023. godini kvalitet sudskih odluka iznosio 91,53%.

Za drugostepene građanske predmete (Gž) kvalitet sudskih odluka iznosi 93,99%, za drugostepene privredne predmete (Pž) 94,31%, za drugostepene predmete radnih sporova (Rsž) 89,21%, za prvostepene krivične predmete (K) kvalitet iznosi 47,62%, za Kv predmete 70,50%, za predmete upravnih sporova 94,95%, za ostale odluke 70,83%.

Kvalitet odluka po referatima




Grafički prikaz kvaliteta odluka po referatima

3.1. Kvalitet rada po nosiocima pravosudne funkcije

Kvalitet sudskih odluka od 100 % su ostvarile sudije: Snježana Čolaković, Mario Anić i Srećko Kokor.

Kvalitet sudskih odluka u odnosu na broj odluka protiv kojih je dozvoljen pravni lijek sudije Jasmine Begović-Devović iznosi 98,85 %, sudije Albise Kapić 99,29 %, sudije Sanele Popović 99,28, %, sudije Nedeljke Mađar-Ramljak 99,24 %, sudije Nine Makivić 99,24, %, sudije Rame Ljevaković 99,21 %, sudije Indire Pašić 99,05 %, sudije Nedžada Baković 98,99%, sudije Hilme Ahmetović 98,64 %, sudije Nusreta Halilović 98,15% sudije Ranke Baškarad 98,05%, sudije Ljilje Subašić 97,46 %, sudije Nermina, Tešnjak 94,44%, sudije Ismara Jukić 93,08%, sudije Amele Bajramović-Softić 88,89 %, sudije Enesa Maličbegović 88,00 %.

Kvalitet odluka po sudijama



Grafički prikaz kvaliteta odluka po sudijama

U 2024. godini zaprimljeno je 6 (šest) apelacionih odluka Ustavnog suda BiH kojim su izjavljene apelacije protiv odluka ovog suda odbačene kao nedopuštene (4) ili odbijene kao neosnovane (2).

Tokom 2024. godine u sud nije zaprimljena niti jedna odluka Ustavnog suda BiH kojom bi se ovom sudu naložilo da okonča predmet bez odlaganja zbog kršenja prava na donošenje odluke u razumnom roku ili da je određena naknada nematerijalne štete zbog kršenja prava na donošenje odluke u razumnom roku od strane ovog suda.

Važno je istaći da Kantonalni sud u Zenici apsolutno poštuje rokove Ustavnog suda BiH u predmetima u kojima je podnesena apelacija, kako iz aspekta dostavljanja odgovora na apelaciju, tako i postupanja u postupku izvršenja odluke Ustavnog suda BiH.

4. Realizacija Plana rješavanja predmeta za 2024. godinu

Kantonalni sud u Zenici je dana 03.01.2024. godine, pod brojem 004-0-SuDp-23-000002 donio Plan rješavanja predmeta za 2024. godinu.

Prema 4 kvartalna plana za 2024. godinu za predmete izvršnog, krivičnog, parničnog, prekršajnog, privrednog, upravnog, vanparničnog i zemljišno-knjižnog referata i Plana rješavanja prvostepenih predmeta za 2024. godinu, utvrđena je obaveza rješavanja 1294 predmeta.

Na dan 31.12.2024. godine riješen je 1291 predmet tako da realizacija plana iznosi 99,77 %.


Realizacija plana u ovako visokom procentu je rezultat izuzetnog zalaganja sudija koji su rješavali predmete iz plana, blagovremenog sačinjavanja planova, kontinuiranih analiza realizacije planova na sjednicama stručnog kolegija, sjednicama građanskog, krivičnog i odjeljenja za upravne sporove, kao i blagovremenih aktualizacija mjera koje su doprinosile realizaciji plana.

Slijede tabelarni pregledi broja neriješenih predmeta na početku izvještajnog perioda po godinama inicijalnog akta, broja riješenih predmeta u toku izvještajnog perioda po godinama inicijalnog akta, broja neriješenih predmeta na kraju izvještajnog perioda po godinama inicijalnog akta za svakog sudiju.

	Broj neriješenih predmeta na početku izvještajnog perioda po godinama inicijalnog akta							
	2023		2022	2021	<2020		UKUPNO	
		%	%	%		%		
SNJEŽANA ČOLAKOVIĆ	3	0,76						3
JASMINA BEGOVIĆ DEVOVIĆ	14	3,56						14
SREČKO KOKOR	18	4,58						18
RANKA BAŠKARAD	23	5,85						23
ALBISA KAPIĆ	18	4,58						18
NUSRET HALILOVIĆ	17	4,33						17
NEDELJKA MAĐAR RAMLJAK	14	3,56						14
LJILJA SUBAŠIĆ	19	4,83						19
MARIO ANIĆ	16	4,07						16
NINA MAKIVIĆ	13	3,31						13
INDIRA PAŠIĆ	17	4,33						17
RAMO LJEVAKOVIĆ	36	9,16						36
NERMIN TEŠNJAK	23	5,85						23
AMELA BAJRAMOVIĆ	18	4,58						18
ENES MALIČBEGOVIĆ	21	5,34	2	50		2	66,67	25
ISMAR JUKIĆ	22	5,60	2	50				24
HILMO AHMETOVIĆ	78	19,85				1	33,33	79
SANELA POPOVIĆ	23	5,85						23
	393		4			3		400

Tabelarni prikaz broja neriješenih predmeta na početku izvještajnog perioda po godinama

NERIJEŠENI PREDMETI NA POČETKU IZVJEŠTAJNOG PERIODA




inicijalnog akta

Grafički prikaz broja neriješenih predmeta na početku izvještajnog perioda prema starosti inicijalnog akta

	Broj riješenih predmeta u toku izvještajnog perioda po godinama inicijalnog akta										
	2024		2023		2022		2021		<2020		UKUPNO
		%		%		%		%		%	
SNJEŽANA ČOLAKOVIĆ	279	8,56	3	0,77							282
JASMINA BEGOVIĆ DEVOVIĆ	122	3,74	14	3,59							136
SREČKO KOKOR	142	4,36	18	4,62							160
RANKA BAŠKARAD	159	4,88	23	5,90							182
ALBISA KAPIĆ	158	4,85	18	4,62							176
NUSRET HALILOVIĆ	173	5,31	17	4,36							190
NEDELJKA MAĐAR RAMLJAK	170	5,22	14	3,59							184
LJILJA SUBAŠIĆ	143	4,39	19	4,87							162
MARIO ANIĆ	191	5,86	16	4,10							207
NINA MAKIVIĆ	168	5,16	13	3,33							181
INDIRA PAŠIĆ	146	4,48	17	4,36							163
RAMO LJEVAKOVIĆ	219	6,72	36	9,23							255
NERMIN TEŠNJAK	237	7,27	21	5,38							258
AMELA BAJRAMOVIĆ	273	8,38	18	4,62							291
ENES MALIČBEGOVIĆ	251	7,70	20	5,13	1	50					272
ISMAR JUKIĆ	18	0,55	22	5,64	1	50					41
HILMO AHMETOVIĆ	198	6,08	78	20,00							276
SANELA POPOVIĆ	153	4,70	23	5,90							176
NEDŽAD BAKOVIĆ	58	1,78	0	0,00							58
	3258		390		2						3650

Tabelarni prikaz broja riješenih predmeta u toku izvještajnog perioda po godinama inicijalnog akta

RIJEŠENI PREDMETI U TOKU IZVJEŠTAJNOG PERIODA




Grafički prikaz broja riješenih predmeta u toku izvještajnog perioda prema starosti inicijalnog akta

	Broj neriješenih predmeta na kraju izvještajnog perioda po godinama inicijalnog akta						UKUPNO		
	2024		2023		2022	2021		<2020	
	Broj	%	Broj	%	Broj	Broj		Broj	
SNJEŽANA ČOLAKOVIĆ	8	2,23						8	
JASMINA BEGOVIĆ DEVOVIĆ	8	2,23						8	
SREČKO KOKOR	7	1,96						7	
RANKA BAŠKARAD	32	8,94						32	
ALBISA KAPIĆ	11	3,07						11	
NUSRET HALILOVIĆ	0	0,00						0	
NEDELJKA MAĐAR RAMLJAK	4	1,12						4	
LJILJA SUBAŠIĆ	13	3,63						13	
MARIO ANIĆ	9	2,51						9	
NINA MAKIVIĆ	6	1,68						6	
INDIRA PAŠIĆ	11	3,07						11	
RAMO LJEVAKOVIĆ	22	6,15						22	
NERMIN TEŠNJAK	44	12,29	2	66,67				46	
AMELA BAJRAMOVIĆ	33	9,22						33	
ENES MALIČBEGOVIĆ	41	11,45	1	33,33	1		2	66,67	45
ISMAR JUKIĆ	0	0,00			1			1	
HILMO AHMETOVIĆ	37	10,34					1	33,33	38
SANELA POPOVIĆ	31	8,66						31	
NEDŽAD BAKOVIĆ	41	11,45						41	
UKUPNO	358		3		2		3		366

Tabelarni prikaz broja neriješenih predmeta na kraju izvještajnog perioda prema starosti inicijalnog akta

NERIJEŠENI PREDMETI NA KRAJU IZVJEŠTAJNOG PERIODA



Grafički prikaz broja neriješenih predmeta na kraju izvještajnog perioda prema starosti inicijalnog akta

5. Trajanje predmeta

Podaci iz tabelarnih pregleda ukazuju da je ovaj sud strogo vodio računa da se predmeti rješavaju po starosti inicijalnog akta. Najveći broj neriješenih predmeta na kraju izvještajnog perioda su predmeti u kojima inicijalni akt potiče iz 2023. godine (393 ili 98,3%).

Iz CMS izvještaja čiji naziv je Statistika trajanja predmeta po referatima, vrstama predmeta i načinu završetka, proizlazi da je prosječno trajanje riješenih 3650 predmeta u 2024. godini iznosilo 41,43 dana (u 2023. godini prosječno trajanje riješenih 4150 predmeta iznosilo 37, 51 dan).

Prosječno trajanje riješenih Su-Ap predmeta je iznosilo 3,33 dana, prekršajnih 4,65 dana, vanparničnih 16,25 dana, izvršnih 30,44 dana, zemljišno-knjižnih 32,69 dana, parničnih 37,39, krivičnih 49,56 dana, privrednih 50,81 dana i upravnih 89,90 dana.

6. Optimalni i predvidivi rokovi

Od 2012. godine u sudovima Bosne i Hercegovine se sprovodi Pravilnik o vremenskim okvirima za postupanje u predmetima („Službeni glasnik BiH“ broj 5/13, 101/13, 6/14, 10/15, 56/15). Pravilnikom su definisani optimalni i predvidivi rokovi.

Kantonalni sud u Zenici je dana 10.01.2024. godine, donio Odluku o utvrđivanju predvidivih rokova za rješavanje pojedinih vrsta predmeta iz nadležnosti Kantonalnog suda u Zenici za 2024. godinu za period od 01.01.2024. do 31.12.2024. godine.

Broj neriješenih predmeta obuhvaćenih Odlukom o predvidivim rokovima na dan 01.01.2024. godine, iznosio je 359.

U periodu od 01.01.2024. do 31.12.2024. godine, primljeno je 2992 predmeta obuhvaćenih Odlukom o predvidivim rokovima, tako da je ukupan broj u radu ovih predmeta iznosio 3281. Od ovog broja riješeno je 2971 predmet, od čega je 2824 predmeta ili 95,05 % riješeno u optimalnom roku, a u predvidivom roku je riješeno 2956 predmeta ili 99,50 %, dok je broj riješenih predmeta sa prekoračenjem predvidivog roka iznosio 15 ili (0,50 %). Prosječno trajanje riješenih predmeta je 47 dana.

Broj neriješenih predmeta koji su obuhvaćeni Odlukom o predvidivim rokovima na dan 31.12.2024. godine je 310. Od ovog broja u 30 predmetu je došlo do prekoračenja optimalnog roka, dok je predvidivi rok prekoračen u 12 predmeta. Od ovih 12 predmeta, 5 predmeta predstavljaju predmete prvostepenog krivičnog postupka, 4 predmeta predstavlja Kps predmete (predmet potvrđivanja optužnice) dok 1 predmet predstavlja predmet upravnog spora. U ovim predmetima dominantno ne postoje procesne pretpostavke za suđenje.

Podaci koje smo prikazali ukazuju na to da je ovaj sud ostvario dobre rezultate rada u 2024. godini, kako iz aspekta ostvarene godišnje norme, tako i iz aspekta ostvarenog kvaliteta sudskih odluka i poštivanja prava na suđenje u razumnom roku.

7. Sudska nagodba

Tokom 2024. godine, u Kantonalnom sudu u Zenici je provedena aktivnost čiji naziv je „Sedmice sudske nagodbe“, tokom kojih je sud postupao po prethodno identificiranim predmetima, koji su po vrsti i predmetu spora prikladni za mirno rješavanje spora. Za vrijeme trajanja aktivnosti, stranke su pozivane da pristupe sudu s prijedlogom za zaključenje sudske nagodbe, što svakako mogu učiniti i u svakom trenutku do pravosnažnosti presude.

III RAD KRIVIČNOG ODJELJENJA

U okviru krivičnog odjeljenja vrše se poslovi koji se odnose na poslove prvostepenog i drugostepenog suđenja u krivičnim predmetima, zatim ujedinjenje kazne i brisanje osuda, postupci vezani za molbe za pružanje međunarodne pravne pomoći i izručenje okrivljenih i osuđenih lica, postupci za pomilovanje osuđenih lica, poslovi propisani zakonom koji se obavljaju u okviru referata za prethodni postupak i prethodno saslušanje. U okviru ovog odjeljenja vrše se i poslovi koji se odnose na drugostepeni prekršajni referat.

Sud je u toku 2024. godine odredio pritvor protiv 9 (devet) lica u 8 (osam) predmeta osumnjičenih da su počinili krivično djelo. Svi postavljeni branioci po službenoj dužnosti u pritvorskim predmetima su iz reda advokata.

Tokom 2024. godine u krivičnim predmetima nije bilo obustave postupka zbog nastupanja apsolutne zastare.

1. Potvrđivanje optužnica K-Kps

U toku 2024. godine primljeno je 14 K-Kps predmeta. Ukupno u radu ovih predmeta je bilo 21, riješeno je 14 predmeta, tako da je na kraju 2024. godine ostalo neriješeno 7 (sedam) K-Kps predmeta.

U ovim predmetima su se sudije pridržavale rokova utvrđenih Zakonom o krivičnom postupku Federacije Bosne i Hercegovine („Službene novine Federacije Bosne i Hercegovine“, broj: 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20), što znači da je u svim predmetima u kojima su postojale procesne pretpostavke za rad odlučeno o optužnici u roku od 8 (osam) dana i u istim je u zakonskom roku održano ročište za izjašnjenje o krivnji. U svim predmetima u kojima je potvrđena optužnica i nakon što je otvorena K faza, suđenje je zakazano u zakonom određenom roku od 60 dana. Četiri neriješena Kps (4) predmeta su proglašeni nerješivim budući da potjernica prema optuženim nije realizovana.

U okviru krivičnog odjeljenja završeno je 98 K-Kpp predmeta (pojedine istražne radnje), 99 K-Kv predmeta koji predmeti se odnose na rješavanje po žalbama na rješenje o određivanju pritvora, odlučivanje po zahtjevima za prekid postupka izdržavanja kazne i drugo.

2. Prvostepeni krivični referat K-K

Prema članu 28. stav 1. tačka a) Zakona o sudovima u Federaciji Bosne i Hercegovine prvostepena nadležnost kantonalnih sudova se ogleda u suđenju za krivična djela za koja je zakonom propisana kazna zatvora više od 10 godina ili dugotrajni zatvor, ako zakonom nije određena nadležnost drugog suda.

Na prvostepenom krivičnom referatu u 2024. godini bilo je ukupno u radu 35 predmeta, od kojih je riješen 21 predmet.

Na kraju godine broj neriješenih prvostepenih krivičnih predmeta iznosi 14. Od ovog broja predmeta 13 predstavljaju predmete opšteg kriminala, dok 1 (jedan) predmet predstavlja predmete ratnih zločina.

Od 14 neriješenih predmeta, u 4 (četiri) predmeta ne postoje procesne pretpostavke za suđenje (tri predmeta opšti kriminal, jedan predmet ratni zločin), jer su optuženi u bjekstvu i za istim su raspisane potjernice koje nisu realizovane.

Od 21 završenog prvostepenog krivičnog predmeta, 14 predmeta je završeno osuđujućom presudom, te je u tim predmetima izrečena ukupna kazna zatvora protiv 20 lica u trajanju od 87 godina. Četiri (4) prvostepena krivična predmeta su završena donošenjem oslobađajuće presude, jedan (1) predmet je završen presudom koja je jednim dijelom osuđujuća a drugim dijelom oslobađajuća. U jednom (1) predmetu se optužba odbija.

U 2024. godini u tri (3) predmeta je donesena presuda na osnovu zaključenog sporazuma o priznanju krivnje, što čini procentualno 14,28 % u odnosu na broj završenih.

U strukturi završenih prvostepenih krivičnih predmeta, šest (6) predmeta ili 28,57 % se odnosi na krivično djelo razbojništva iz člana 289. stav 2 KZ FBiH, pet (5) predmeta se odnosi na krivično djelo ubistva iz člana 166. stav 1. i 2. KZ FBiH ili 23,81%, četiri (4) ili 16,67% se odnosi na krivično djelo zloupotreba položaja ili ovlašćenja iz člana 383. stav 1. i 3. KZ FBiH, jedan (1) ili 4,76 % se odnosi na krivično djelo spolni odnošaj s djetetom iz člana 207. stav 5. KZ FBiH, jedan (1) ili 4,76 % se odnosi na krivično djelo pronevjera u službi iz člana 384. stav 3. KZFBiH, jedan (1) ili 4,76 % se odnosi na krivično djelo Prijevara iz člana 294. stav 2. KZ FBiH, jedan (1) ili 4,76 % se odnosi na krivično djelo Organizirani kriminal iz člana 342. stav 2. KZ FBiH, jedan (1) ili 4,76 % se odnosi na krivično djelo Nasilničko ponašanje iz člana 362. stav 2. KZ FBiH i jedan (1) ili 4,76 % se odnosi na krivično djelo Ratni zločin protiv ratnih zarobljenika iz člana 144. preuzetog KZSFRJ.

3. Predmeti ratnih zločina

U 2024. godini u radu su bila ukupno 3 (tri) predmeta ratnih zločina. Broj prenesenih predmeta iz 2023. godine je 2 (dva).

Pred ovim sudom u 2024. godini završena su 2 (dva) predmeta ratnog zločina, i to predmet broj: 04 0 K 012613 23 K 2 protiv optuženog Jukić Ivica, koji je dana 04.01.2024. godine oslobođen od optužbe da je počinio krivično djelo Ratni zločin protiv ratnih zarobljenika iz člana 144. preuzetog KZ SFRJ, i predmet broj: 04 0 K 014575 23 Kps u kojem je krivični postupak protiv optuženog Brešić Roberta obustavljen usljed smrti optuženog.

Ostaje neriješen predmet protiv optuženog Crepulja Ive kojim je zadužen sudija Enes Maličbegović, u kojem ne postoje procesne pretpostavke za suđenje jer je optuženi nedostupan sudu i raspisana je potjernica koja nije realizovana. U ovom predmetu su preduzete radnje radi ustupanja krivičnog gonjenja optuženog, zbog krivičnog djela ratni zločin protiv civilnog stanovništva iz člana 142. stav 1. preuzetog KZ SFRJ,

Županijskom sudu u Karlovcu ili drugom nadležnom sudu na čijem području optuženi ima boravište u Republici Hrvatskoj.

Rad na predmetima ratnih zločina predstavlja apsolutni prioritet, tako da se na svim predmetima tokom 2024. godine kontinuirano i intenzivno radilo, planiran je dovoljan broj sudija za rad na predmetima ratnih zločina i kontinuirano je praćeno rješavanje predmeta ratnih zločina, a vršeno je i blagovremeno dostavljanje izvještaja o rješavanju predmeta ratnih zločina.

4. Predmeti korupcije i organizovanog kriminala

Broj neriješenih koruptivnih predmeta prvostepenog K-K i drugostepenog K-Kž krivičnog referata na početku perioda je sedam (7). U 2024. godini u sud je zaprimljeno 27 predmeta, riješeno je 29 predmeta, dok je broj neriješenih predmeta na kraju perioda iznosio pet (5) predmeta.

Kada je u pitanju protok predmeta organizovanog kriminala i korupcije na početku izvještajnog perioda prenesen je jedan (1) predmet iz prethodne godine, u 2024. godini nije primljen nijedan predmet, u izvještajnom periodu riješen je jedan (1) predmet, i nije ostao nijedan neriješen predmet.

Kada su u pitanju predmeti korupcije visokog nivoa broj neriješenih predmeta na početku perioda je iznosio dva (2) predmeta, nije bilo priliva novih predmeta, riješen je jedan (1) predmet, dok je ostao jedan (1) neriješen predmet.

Imajući u vidu činjenicu da je borba protiv korupcije jedan od najvećih izazova sa kojim se suočava Bosna i Hercegovina u postupku integracija u Evropsku uniju, Kantonalni sud u Zenici će predmetima korupcije i organizovanog kriminala davati apsolutni prioritet u radu.

Pred ovim sudom, na dan 31.12.2024. godine, otvoren je 1 (jedan) predmet koji ispunjava kriterije korupcije visokog nivoa i nalazi se u K fazi.

Krivični postupak u predmetu broj: 04 0 K 012115 22 K vodi se protiv 11 (jedanaest) osoba optuženih zbog krivičnog djela udruživanje radi činjenja krivičnih djela iz člana 340. stav 1. KZ FBiH, u vezi sa članom 383. stav 3. u vezi sa stavom 1. KZ FBiH i dr. Ovaj predmet ispunjava kriterije korupcije visokog nivoa zbog svojstva optuženog (prvooptuženi u svojstvu gradonačelnika grada Zenica) i broja optuženih lica. U predmetu je dana 07.07.2022. godine održano predpretresno vijeće - statusna konferencija, glavni pretres je započet dana 13.10.2022. godine, a u toku dosadašnjeg postupka sud je saslušao 44 svjedoka, saslušan je jedan vještak arhitektonske struke, te je u toku izvođenje materijalnih dokaza. Nastavak glavnog pretresa zakazan je za dane 09.01., 16.01., 23.01., 30.01.2025. godine.

Ovaj sud je tokom 2024. godine izrekao 2 (dvije) osuđujuće presude u predmetima korupcije.

Krivični postupak u predmetu broj: 04 0 K 014418 24 K vodio se protiv 1 (jednog) optuženog lica zbog krivičnog djela pronevjera u službi iz člana 384. stav 3. u

vezi sa stavom 1. KZ FBiH. U navedenom predmetu optužena je osuđena na kaznu zatvora u trajanju od 5 (pet) godina.

Krivični postupak u predmetu broj: 04 0 K 014514 24 K 2 vodio se protiv 1 (jednog) optuženog lica zbog krivičnog djela zloupotrebe položaja ili ovlašćenja iz člana 383. stav 3. u vezi sa stavom 1. KZ F BiH. U navedenom predmetu optuženi je osuđen na kaznu zatvora u trajanju od 1 (jedne) godine.

Predmeti korupcije i organizovanog kriminala imaju prioritet u radu ovog suda i pod stalnom su pažnjom predsjednice suda na način da se svakodnevno prati rad na ovim predmetima i insistira na što efikasnijem postupanju.

5. Drugostepeni krivični referat K-Kž

U nadležnosti ovog referata je odlučivanje o žalbama izjavljenim protiv odluka općinskih sudova u krivičnom postupku.

Na kraju 2023. godine broj neriješenih predmeta ovog referata je iznosio 44. U 2024. godini priliv je iznosio 434 predmeta. Riješeno je 373 predmeta, a ostalo neriješeno 105 predmeta.

U strukturi primljenih drugostepenih krivičnih predmeta najveći broj tj. 36 predmeta se odnosi na krivično djelo neovlašćena proizvodnja i stavljanje u promet opojnih droga iz člana 238. stav 1. KZ FBiH, 37 predmeta se odnosi na krivično djelo teška krađa iz člana 287. KZ FBiH, 23 predmeta se odnosi na posjedovanje i omogućavanje uživanja opojnih droga iz člana 239. stav 1. i 3. KZ FBiH, 56 predmeta se odnosi na krivično djelo nasilje u porodici iz člana 222. stav 1., 2., 3. i 4. KZ FBiH, 32 predmeta se odnosi na krivična djela nasilničko ponašanje iz člana 362. stav 1. i stav 2. KZ FBiH, 13 predmeta se odnosi na zloupotrebu položaja ili ovlašćenja iz člana 383. stav 1. i 2. KZ FBiH, 6 predmeta se odnosi na krivično djelo krivotvorenje isprave iz člana 373. stav 2. KZ FBiH, 14 predmeta se odnosi na krivično djelo krađa iz člana 286. stav 1. i 2. KZ FBiH, 20 predmeta se odnosi na krivično djelo ugrožavanje sigurnosti iz člana 183. stav 1. i 2. KZ FBiH, 32 predmeta se odnosi na krivična djela sprečavanje osobe u vršenju službene radnje iz člana 362. stav 1., 2. i stav 3. KZ FBiH, 11 predmeta se odnosi na krivično djelo teška tjelesna ozljeda iz člana 172. stav 1. i stav 3. KZ FBiH, krivično djelo šumska krađa iz člana 316. stav 1. i 2. KZ FBiH, 3 predmeta se odnosi na krivično djelo bludnje radnje iz člana 208. stav 1. i 2. KZ FBiH.

U okviru drugostepenog krivičnog referata, 23 riješena predmeta su predmeti iz oblasti korupcije.

U 2024. godini u drugostepenim krivičnim predmetima nije bilo obustave postupka zbog nastupanja zastare.

6. Drugostepeni prekršajni referat Pr-Pžp

U okviru drugostepenog prekršajnog referata odlučuje se o žalbama izjavljenim protiv odluka općinskih sudova donesenih u prekršajnom postupku.

U 2024. godini na ovom referatu u radu je bilo 304 predmeta, riješeno je 291, tako da broj neriješenih predmeta iznosi 13. Radi se o predmetima koji su u ovaj sud zaprimljeni po žalbi krajem decembra mjeseca.

U toku 2024. godine samo u 1 (jednom) drugostepenom prekršajnom predmetu je doneseno rješenje o obustavi prekršajnog postupka zbog nastupanja zastare (u 2023. godini broj ovih predmeta je bio 13). Ovdje je važno istaći da je u svim ovim predmetima zastara nastupila znatno prije nego što su predmeti dostavljeni Kantonalnom sudu u Zenici, radi donošenja odluke po žalbi. I u ovim predmetima sud je u potpunosti izvršio obavezu pravilnog evidentiranja ovih predmeta u CMS-u i izvještavanja VSTV BiH.

IV GRAĐANSKO ODJELJENJE

U okviru građanskog odjeljenja odlučuje se, između ostalog, o žalbama protiv odluka općinskih sudova iz građansko-pravne i privredne oblasti i o drugim redovnim i vanrednim pravnim lijekovima, a rješavaju se i zahtjevi za priznanje stranih sudskih odluka.

1. Drugostepeni građanski referat

Na drugostepenom građanskom referatu (izvršni, parnični, vanparnični i zemljišno-knjižni) na kraju 2023. godine, ostalo je neriješeno 196 predmeta u koji broj su uvršteni i predmeti radnih sporova.

U 2024. godini broj primljenih predmeta drugostepenog građanskog referata je iznosio 1858, dok je u istom periodu ovih predmeta riješeno 1968. Na dan 31.12.2024. godine broj neriješenih predmeta drugostepenog građanskog referata je iznosio 86. Neriješeni predmeti su u sud zaprimljeni u posljednja tri mjeseca 2024. godine.

Imajući u vidu naprijed navedene podatke, očigledno je da je Kantonalni sud u Zenici prednje referate učinio ažurnim.

U strukturi riješenih predmeta drugostepenog građanskog referata 106 predmeta se odnose na isplatu duga, 168 predmeta se odnose na naknadu štete, na zemljišno-knjižne sporove 199, na brakorazvodne sporove 25, izdržavanje djece 18, utvrđenje i uknjižba 65, na radne sporove 46 predmeta, dok se ostali predmeti odnose na smetanje posjeda, poništenje i utvrđenje ništavosti, uređenje međa, određivanje staranja o djetetu i razne izvršne predmete.

2. Drugostepeni privredni referat

Na predmetima privrednog referata (L-Pž, Mals-Pž, Mals-Pvl, Mals-Pvlž, Ps-Pvl, Ps-Pž,i St-Pž) na kraju 2023. godine je ostalo neriješeno 14 predmeta. U 2024. godini primljeno je 78 predmeta. Riješeno je 77 predmeta. Broj neriješenih predmeta na kraju 2024. godine iznosi 15. Neriješeni predmeti su u ovaj sud zaprimljeni dominantno u decembru 2024. godine.

3. Priznanje stranih sudskih odluka

Na referatu priznanje stranih sudskih odluka u 2024. godini ukupno u radu je bilo 131. riješeno je 127 predmeta. U 4 (četiri) neriješena predmeta nisu istekli sudski rokovi u kojima je potrebno ispraviti ili dopuniti prijedlog za priznanje sudske odluke.

V ODJELJENJE ZA UPRAVNE SPOROVE

Prema Zakonu o upravnim sporovima („Službene novine Federacije Bosne i Hercegovine“ broj: 9/05), kantonalni sudovi u upravnim sporovima odlučuju o zakonitosti akata kojim organi uprave i službe za upravu u općini i gradu, odnosno privredna i druga društva, ustanove i druga pravna lica koja imaju javna ovlaštenja, rješavaju o pravima i obavezama pojedinaca i pravnih lica u pojedinačnim upravnim stvarima i to prema sjedištu prvostepenog organa, odnosno njegove organizacione jedinice.

Na referatu upravnih sporova preneseno je 98 predmeta iz 2023. godine. U toku 2024. godine primljeno je 470 predmeta. Završeno je 471. Ostalo je neriješeno 97 predmeta.

Na ovom referatu je i u 2024. godini zadržana zavidna ažurnost.

U strukturi riješenih predmeta upravnih sporova bilo je 173 predmeta koji se odnose na penzijsko i invalidsko osiguranje, 17 predmeta se odnosi na boračko-invalidsku zaštitu, a 15 predmeta se odnose na oblasti poreza, 28 predmeta se odnosi na čutanje administracije. Ostali predmeti se odnose na oblast građenja, komunalne i druge naknade, sporove vezane za primjenu Zakona o izbjeglicama i raseljenim licima i drugo.

Na ovom referatu predmeti se u prosjeku završavaju unutar tri mjeseca od prijema tužbe u sud, s tim što su prioritet u radu imali predmeti koji se odnose na primjenu imovinskih zakona i boračko-invalidske zaštite, kao i predmeti zaštite sloboda i prava zajamčenih Ustavom, koji su i po Zakonu o upravnim sporovima propisani kao predmeti hitne prirode u okviru referata upravnih sporova.

VI SUDSKA UPRAVA

Poslovi kojim se obezbjeđuju uslovi za pravilan rad i poslovanje suda obavljaju se u okviru sudske uprave.

Uprava suda je blagovremeno i tačno vodila sve potrebne evidencije, pa su tako blagovremeno vođene i evidencije za provedbu Instrumentata za praćenje primjene smjernica za sprečavanje sukoba interesa u pravosuđu.

U cilju praćenja ažurnosti suda, Odjeljenje sudske uprave je kontinuirano pratilo ažurnost rada suda na svim referatima na način što se vrši statističko utvrđivanje stanja riješenih i neriješenih predmeta sa kojima je zadužen svaki sudija. Kontinuirano su analizirani izvještaji o realizaciji planova rješavanja predmeta, izvještaji o poštivanju

predvidivih i optimalnih rokova, izvještaji o izradi sudskih odluka u zakonom utvrđenim rokovima, kao i različiti izvještaji o pravilnom evidentiranju podataka u CMS-u. Te analize omogućavaju da uprava suda i rukovodioci sudskih odjeljenja na kraju svakog mjeseca znaju koliko je predmeta ostalo neriješeno, na kojim referatima, koliko predmeta je primljeno u rad tokom mjeseca, koliko predmeta je riješeno po svakom sudiji na referatima, na koji način su predmeti riješeni i kvalitet sudskih odluka.

U 2024. godini održana je 1 (jedna) sjednica stručnog kolegija suda, 9 (devet) općih sjednica, 12 sastanaka kolegija sudske uprave, 11 sjednica krivičnog odjeljenja, 10 sjednica građanskog i 12 sjednica upravnog odjeljenja.

Na sjednicama stručnog kolegija i sjednicama građanskog, krivičnog i upravnog odjeljenja razmatrana su aktuelna pitanja od interesa za rad suda, ažurnost suda i sudija. Razmatrani su nacrti zakonskih akata na način da su data mišljenja i sugestije na te nacрте.

Dana 22.05.2024. godine i 29.10.2024. godine s ciljem razmjene iskustava i unapređenja efikasnosti obavljanja poslova sudske uprave, poštivanja zakonskih rokova i rada po starim predmetima i aktivnostima koje se poduzimaju na poboljšanje transparentnosti rada u sudovima održan je sastanak predsjednice Kantonalnog suda u Zenici sa predsjednicima općinskih sudova sa područja Kantonalnog suda u Zenici.

U 2024. godini zaprimljeno je 2046 Su predmeta (Su-Spi, Su-Fin i Su-Dp) i svi su riješeni. Ovi predmeti nisu sadržani u priloženim tabelarnim pregledima.

Kantonalni sud u Zenici u 2024. godini primio je 77 zahtjeva za slobodan pristup informacijama u kojima su tražene različite vrste informacija.

Postupajući po zahtjevima Kantonalni sud u Zenici je u 15 slučajeva donio rješenje o djelimičnoj dozvoli pristupa informacijama iz razloga što je zahtjev za dostavu potpunih podataka utvrđen kao izuzetak od saopštavanja jer sadrži lične interese koji se odnose na privatnost lica u postupku, slijedom čega su dostavljene odluke djelimično anonimizirane. U 3 (tri) slučaja ovaj sud je zahtjev prosljedio drugom javnom organu na nadležno postupanje. Povodom 19 zahtjeva je odgovoreno dopisom. U 39 slučajeva za podnosiocе donesena rješenja o dozvoli pristupa informacijama uz dostavljanje tražene dokumentacije ili vršenjem neposrednog uvida u istu, dok je u 1 (jednom) slučaju doneseno rješenje o odbijanju pristupa informacijama jer je podatak utvrđen kao izuzetak od saopštavanja kojim se štiti postupak donošenja odluka u javnom organu.

Jedan od strateških ciljeva ovog suda definisan Godišnjim programom rada Kantonalnog suda u Zenici za 2024. godinu (period 2022.-2024. godina) je unapređenje transparentnosti rada suda. Transparentnost pravosuđa je ključna za uspostavljanje mehanizma kontrole i jačanje povjerenja građana u pravosuđe. Sve pravosudne institucije imaju odgovornost prema javnosti, u čijoj službi obavljaju svoju djelatnost, da redovno pružaju informacije o svom radu, aktivnostima, rezultatima i propustima. S tim u vezi, Kantonalni sud u Zenici je tokom 2024. godine ispunio sve projicirane trogodišnje ciljeve, a koji se odnose na unapređenje proaktivne komunikacije s javnošću, unapređenje reaktivne komunikacije s javnošću i unapređenje praktične obuke za studente prava i diplomirane pravnike.

Kada je u pitanju proaktivna komunikacija s javnošću, ovakav pristup se primarno odnosi na davanje informacija o radu suda, bez da su takve informacije zatražene. Važno je naglasiti da ovaj sud objavljuje pravosnažne prvostepene krivične presude, izuzev onih koje su rezultat postupka u kojem je bila isključena javnost, nakon što iste prođu kroz filter anonimizacije. Pored kompletne presude, koja je u fokusu interesovanja profesionalne javnosti, istovremeno se objavljuje i vijest o donošenju iste sa najvažnijim detaljima, što je interesantno općoj javnosti i medijima. U 2021. godini, Kantonalni sud u Zenici je uveo i objavu svih određenih pritvora, drugostepenih krivičnih presuda korupcije i presuda građanskog i upravnog odjeljenja značajnih za sudsku praksu, što se nastavilo i 2024. godine.

Kada su u pitanju drugostepene krivične presude korupcije, u 2024. godini Kantonalni sud u Zenici je izrekao 19 drugostepenih presuda iz ove oblasti, a na web stranici je objavljeno 14, što u procentu čini 73,68 %. Godišnjim programom rada suda predviđeno je povećanje objava na web stranici suda za 20,00 % u odnosu na 2023. godinu. Broj objava na web stranici u 2023. godini bio je 210, dok u 2024. godini iznosi 181 objavu obzirom da su tokom 2024. godine objavljivane samo pravosnažne prvostepene krivične presude. Planirano je da sud objavi dvadesetčetiri (24) statistička izvještaja o radu, a objavio je 29 raznih izvještaja o radu suda (polugodišnji, devetomjesečni, godišnji, izvještaji o poštivanju optimalnih i predvidivih rokova i drugo). Planirana je objava 25 presuda građanskog i upravnog odjeljenja značajnih za sudsku praksu, i objavljene su 25 presude.

Što se tiče unapređenja reaktivne komunikacije s javnošću, važno je naglasiti da je planirano da se 2024. godina završi sa 100% riješenih SuSpi predmeta, i završeno je sa 100%, odnosno ukupno 77 predmeta, dok je vrijeme potrebno za rješavanje SuSpi predmeta iznosilo 3 dana, a kako je i predviđeno programom. Ovdje je važno napomenuti da zakonski rok za rješavanje ovih predmeta iznosi 15 dana.

Kantonalni sud u Zenici je potpisao Okvirni sporazum o razumijevanju za unapređenje praktične nastave i obuke za studente prava i diplomirane pravnike i redovno dostavljaio mjesečni raspored suđenja Pravnom fakultetu Univerziteta u Zenici i Islamskom pedagoškom fakultetu, slijedom čega studenti redovno prate suđenja pred ovim sudom. Planirano je 30 posjeta studenata glavnim pretresima, a realizirana je 21 posjeta (ukupno 99 posjeta studenata). Kada su u pitanju stručna predavanja za studente, ovaj sud se više puta dopisom obraćao Pravnom fakultetu Univerziteta u Zenici da se izjasne iz kojih oblasti prava i tematskih cjelina postoji izražen interes studenata za održavanjem stručnih predavanja, međutim isti se nisu izjasnili na dopise ovog suda.

U okviru implementacije Okvirnog sporazuma o razumijevanju za unapređenje praktične nastave i obuke za studente prava i diplomirane pravnike, u saradnji sa Pravnim fakultetom u Zenici i Nacionalnim centrom za državne sudove (NCSC) u toku 2024. godine nastavilo se sa provođenjem aktivnosti na realizaciji projekta Stručne studentske prakse iz Krivičnog procesnog prava i Građanskog procesnog prava. Početkom 2024. godine usvojen je Okvirni plan implementacije projekta za akademsku 2024. godinu po kojem je planirana implementacija stručne studentske prakse u Kantonalnom sudu u Zenici iz oblasti Građanskog procesnog prava u maju 2024. godine i Krivičnog procesnog prava u decembru 2024. godine. Usvojeni Okvirni plan implementacije projekta za akademsku 2024. godinu je realizovan u cjelosti tokom

2024. godine. Tako je troje sudija mentora za oblast Građanskog procesnog prava tokom mjeseca maja 2024. godine realizovalo 155 sati studentske stručne prakse u radu sa 31 studentom IV godine Pravnog fakulteta, pojedinačno su studenti ostvarili po pet sati studentske prakse, dok je pet sudija mentora iz oblasti Krivičnog procesnog prava radeći sa sedam studenata IV godine Pravnog fakulteta po 15 sati studentske prakse realizovalo ukupno 105 sati studentske prakse.

Slijedom iznesenog, Kantonalni sud u Zenici, provođenjem planiranih aktivnosti, ispunio je sve projicirane ciljeve u 2024. godini, čime je ispunjen i strateški cilj-unapređenje transparentnosti rada suda.

U 2024. godini uspješno je realizovan program stručnog usavršavanja sudija, državnih službenika i ostalih zaposlenika preko Centra za edukaciju sudija i tužilaca u Federaciji Bosne i Hercegovine, Visokog sudskog i tužilačkog vijeća Bosne i Hercegovine, Agencije za državnu službu u Federaciji Bosne i Hercegovine i drugih institucija koje se bave stručnim osposobljavanjem sudija, državnih službenika i ostalih zaposlenika. Sve sudije su obavezu edukacije ispunile provodeći potrebne dane na edukaciji koja je obavljena uglavnom online.

Državni službenici i namještenici su prisustvovali seminarima koji su organizovani online od strane Agencije za državnu službu u Federaciji Bosne i Hercegovine.

Interno stručno usavršavanje realizovalo se popunjavanjem sudske biblioteke stručnom literaturom koja je kupljena iz budžetskih sredstava namijenjenih za ove potrebe.

Iz ovog suda troje sudija su na seminarima u 2024. godini, kao verifikovani edukatori, bili angažovani od strane Centra za edukaciju sudija i tužilaca u Federaciji Bosne i Hercegovine u cilju edukacije sudija, stručnih saradnika i pripravnika.

U nadležnosti sudske uprave je i referat izvršenja krivičnih sankcija (Iksž) koji je potpuno ažuran i efikasan, jer se predmeti ove vrste završavaju u zakonskom roku od 3 dana od prijema u sud, kako je to propisano Zakonom o izvršenju krivičnih sankcija u Federaciji Bosne i Hercegovine ("Službene novine Federacije Bosne i Hercegovine" broj: 44/98, 42/99, 12/09 i 42/11). Na dan 31.12.2024. godine broj neriješenih ovih predmeta je 1 (jedan). Radi se o predmetu koji je u ovaj sud na rješavanje po žalbi zaprimljen dana 31.12.2024. godine. U 2024. godini broj riješenih Iksž predmeta je iznosio 39.

U 2024. godini niti u jednom Iksž predmetu nije nastupila zastarjelost izvršenja kaznene mjere.

Temeljem odredbe člana 160. Zakona o krivičnom postupku Federacije Bosne i Hercegovine, u 2024. godini je 11 puta izvršen obilazak pritvorenika u Odjeljenju pritvora Kazneno popravnog zavoda zatvorenog tipa Zenica.

Odjeljenje sudske uprave postupa i po predstavkama građana i drugih pravnih subjekata. U 2024. godini sud je primio 41 predstavku koje su se uglavnom odnosile na urgentno rješavanje predmeta.

Podnosioci predavki su blagovremeno obavještavani o vremenu kada će predmet po redosljedu rješavanja biti završen.

U Kantonalnom sudu u Zenici, svi predmeti koji se tiču suđenja se vode elektronski što omogućava efikasno praćenje rada na predmetima. Sud je u potpunosti tehnički opremljen za rad u CMS sistemu, a koji sistem se u cjelosti primjenjuje u ovom sudu.

Poslovi sudske arhive obavljani su u skladu sa Zakonom o arhivskoj građi Federacije Bosne i Hercegovine, Zakonom o arhivskoj građi Zeničko-dobojskog kantona i odredbama članova od 130. do 140. Pravilnika o unutrašnjem sudskom poslovanju („Službeni glasnik BiH“ broj: 66/12 i 40/14).

Plan javnih nabavki Kantonalnog suda u Zenici za 2024. godinu je realizovan u cjelosti u skladu sa planiranim procjenjenim vrijednostima za nabavku roba, usluga i radova i odobrenim budžetskim sredstvima.

Realizacija Plana javnih nabavki za 2024. godinu zbog isteka registracije tokom mjeseca januara započela je nabavkama usluge registracije, tehničkog pregleda i osiguranja od autoodgovornosti službenog automobila, te tekućim nabavkama goriva. Provedeni su postupci nabavke službenih novina, stručne literature za popunjavanje sudske biblioteke, pretplate na stručne časopise i portale, te nabavke usluge uvezivanja službenih novina iz 2023. godine.

U vezi sa donošenjem rješenja o isplati novčane pomoći za slučaj teške bolesti državnih službenika i namještenika ili članova njihove uže porodice objavljen je javni poziv za nabavku usluga kvalifikacije medicinske dokumentacije. Javni pozivi su objavljeni i za hotelski smještaj sudija i zaposlenika, kao i kotizacija za seminare i obavezne edukacije.

Realizovana je nabavka usluge održavanja krova zgrade, usluge hemijskog čišćenje 44 klima uređaja, kao i njihovo servisiranje, servis skener aparata, ispitivanje PP aparata i hidrantske mreže, godišnji servis službenog vozila, krećenje kancelarija. Sveukupno na popravke i održavanje zgrade, opreme i službenog vozila u postupcima javnih nabavki utrošeno je 14.063,64 KM.

Također su realizovana osiguranja imovine i kasko osiguranje službenog vozila. Sukcesivno se nabavljao štampani materijal, sredstva za čišćenje, te sitan inventar. Izvršena je nabavka kancelarijskog materijala direktnim sporazumom u ukupnom iznosu od 4.348,31 KM.

Ove godine je planom predviđen i zakup parking prostora ispred zgrade Suda za službe u iznosu 4.803,05 KM koji se realizuje na mjesečnom nivou.

Što se tiče nabavke opreme izvršena je nabavka računara i računarske opreme u iznosu 23.852,97 KM, dva skenera za dokumente u iznosu od 11.688,30 KM, audio opreme za parničnu sudnicu u iznosu 6.224,40 KM, terminala za evidenciju radnog vremena u iznosu 5.239,30 KM, nabavka novih licenci za računare u iznosu 4.038,26 KM, što sve ukupno za nabavku opreme iznosi 51.043,23 KM.

Najznačajnija investicija za Kantonalni sud u Zenici predviđena Planom javne nabavke za 2024. godinu je bilo provođenje otvorenog postupka javne nabavke instaliranja opreme za ventilaciju arhive Suda sa rekonstrukcijom i proširenjem sistema dojava i gašenja požara u skladu sa najmodernijim standardima iz ovih oblasti. Postupak javne nabavke je uspješno okončan nakon čega je potpisan i realizovan ugovor u vrijednosti 165.999,60 KM. Na ovaj način je riješen dugogodišnji problem ventilacije arhive Suda obzirom da je riječ o podrumskim prostorijama čiji prozori su u skladu sa Smjernicama o sigurnosti sudskih zgrada zatvoreni panelima i nemaju funkciju prozora, te je ugrađena klima komora sa sistemom spiro kanala za dovod i odvod zraka, koja tretira zrak u smislu njegovog zagrijavanja ili hlađenja u zavisnosti od godišnjeg doba putem visoko efikasne toplotne pumpe. Za protivpožarnu zaštitu instaliran je najmoderniji sistem gašenja požara koji obuhvata automatsku detekciju i dojavu požara putem protivpožarne centrale koja je postavljena u prostoriju gdje se nalazi sudska policija 24 sata i automatsko gašenje sredstvom za gašenje NOVEC 1230 PLIN koji nema štetno dejstvo na ljude. Svi radovi su izvedeni pod stručnim nadzorom.

Dakle, provedenim predmetnim javnim nabavkama kao i nabavkama koje se odnose na stalne nabavke kojima se obezbjeđuje nesmetan rad suda, Plan javne nabavke Kantonalnog suda u Zenici za 2024. godinu je realizovan u skladu sa odobrenim budžetskim sredstvima.

I u 2024. godini su izostale poteškoće vezane za neizmirenje finansijskih obaveza za braniocima po službenoj dužnosti. Finansijske obaveze za braniocima po službenoj dužnosti su isplaćene u iznosu 464.096,83 KM.

Saradnja sa drugim institucijama

U 2024. godini sud je kao i ranijih godina ostvario izuzetno dobru saradnju sa Visokim sudskim i tužilačkim vijećem Bosne i Hercegovine, koje ga prati u njegovom radu i pruža punu podršku radi ostvarivanja nezavisnog, nepristrasnog i profesionalnog pravosuđa.

Od januara 2016. godine u Kantonalnom sudu u Zenici egzistira Odjel za podršku svjedocima.

U toku 2024. godine Odjel za podršku svjedocima je imao 498 intervencija, za ukupno 53 svjedoka, u 11 krivičnih predmeta.

Primarni cilj Odjela za podršku svjedocima je obezbijediti jednak pristup psihološkim intervencijama i učiniti ih dostupnim za sve svjedoke na sudu. Primarni pristup u radu sa svjedocima je psihološka procjena stanja i potreba svakog svjedoka prije suđenja, te individualizirana priprema za svjedočenje, prilagođena različitim potrebama svjedoka, koja uključuje psihološku podršku i psihološko savjetovanje prije, tokom i nakon svjedočenja, u svrhu prevencije retraumatizacije kod svjedoka žrtava/oštećenih, zatim očuvanja mentalnog zdravlja i ostvarivanja kvalitetnijeg svjedočenja. Posebna posvećenost se primjenjuje u psihološkoj pripremi svjedoka (oštećenih) djece i maloljetnika, gdje se nastoje maksimalno uvažiti najbolji interesi djeteta, i postupati u skladu sa njihovim razvojnim karakteristikama i emocionalnim stanjima. Pored toga, u određenim slučajevima svjedocima se pruža informativna

podrška i upućivanje prema drugim institucijama radi ostvarivanja socijalne, psihološke, zdravstvene i druge pomoći.

Saradnja sa općinskim sudovima Zeničko-dobojskog kantona je i u toku 2024. godine uspješno ostvarena. Stručna savjetnica-psihologinja Kantonalnog suda u Zenici je pružala psihološku procjenu, psihološku podršku i pripremu za svjedočenje za maloljetne svjedoke i oštećene, te ugrožene svjedoke/žrtve u krivičnim predmetima koji se procesuiraju pred općinskim sudovima Zeničko-dobojskog kantona.

1. Primjena Smjernica za prevenciju seksualnog i rodno zasnovanog uznemiravanja u pravosudnim institucijama u BiH

U Kantonalnom sudu u Zenici imenovana su dva savjetnika za prevenciju seksualnog i rodno zasnovanog uznemiravanja. Vodilo se računa da budu jedno ženskog, a drugo muškog spola, imajući u vidu jednaku rodno ravnopravnu zastupljenost, a i da bi se zaposlenicima olakšalo u slučajevima kada bi lakše razgovarali sa osobom istog spola.

Takođe, dva savjetnika su odabrana i u skladu sa preporukama, za slučajeve kada bi se uznemiravanje desilo samom savjetniku.

Funkciju savjetnika obavljaju stručna savjetnica psihologinja Aida Beganović i stručni savjetnik Daniel Đukić. Savjetnici su ranije prošli specijaliziranu obuku za savjetnike u organizaciji Centra za edukaciju sudija i tužilaca u Federaciji BiH i Atlantske inicijative.

U toku 2024. godine zaposlenici se nisu obraćali savjetnicima (ni usmeno, ni pismeno), nije bilo prijava izloženosti nekom od oblika neželjenog ponašanja na radnom mjestu.

Takođe u svakodnevnoj komunikaciji između zaposlenika nije bilo primjetnih oblika ponašanja, koje bi upućivale na eventualnu prisutnost seksualnog i rodno zasnovanog uznemiravanja. Dakle, savjetnici nastoje da i pored toga što nema zvaničnih prijava, „oslušuju“ i prate na određeni način međuljudske odnose zaposlenika, te reaguju u slučaju potrebe u smjeru preveniranja i održavanja zdrave radne atmosfere.

Tokom 2024. godine nisu pokretane, niti sprovedene interne procedure za slučajeve seksualnog i rodno zasnovanog uznemiravanja, pa nije bilo potrebe za dostavljanjem posebnih pisanih izvještaja i informacija.

Savjetnici tokom godine provjeravaju da na postolju za promotivne materijale, bude uvijek odgovarajući broj edukativnih brošura i letaka, koji se odnose na prevenciju seksualnog i rodno zasnovanog uznemiravanja, kako bi na ovaj način bili vidljivi i dostupni svim zaposlenima u sudu, a s ciljem podizanja svijesti i aktualiziranja ove značajne teme.

Na serveru suda postavljene su i uvijek svima dostupne Smjernice za prevenciju seksualnog i rodno zasnovanog uznemiravanja u pravosudnim institucijama u BiH, na sva tri jezika koja su u službenoj upotrebi, o čemu su obaviješteni zaposlenici u sudu.

U toku 2024. godine Kantonalni sud u Zenici je uposlio nove zaposlenike, te u svrhu njihovog informisanja, savjetnica za prevenciju seksualnog i rodno zasnovanog uznemiravanja, uputila ih je putem e-maila, da se na Kantonalnom sudu u Zenici zastupa politika prevencije seksualnog i rodno zasnovanog uznemiravanja, sa ciljem osiguravanja profesionalnih odnosa i klime uzajamnog poštovanja unutar pravosudne institucije.

Takođe, skrenuta im je pažnja da se zagovara stav nulte tolerancije prema slučajevima bilo kojeg oblika uznemiravanja, te da se u svrhu prevencije sprovede određene periodične aktivnosti od strane savjetnika. Informisani su ko su trenutno savjetnici, koja je njihova uloga, na koji period se biraju. Zatim na koji način se vrši prijavljivanje u slučaju izloženosti nekom od oblika seksualnog i rodno zasnovanog uznemiravanja i šta znači pokretanje interne procedure.

Dostavljen im je dokument Smjernice za prevenciju seksualnog i rodno zasnovanog uznemiravanja u pravosudnim institucijama u BiH, te kakav je njegov značaj i da predstavlja standard za prepoznavanje seksualnog i rodno zasnovanog uznemiravanja kao protivzakonitog i neželjenog ponašanja na radnom mjestu.

Početak decembra 2024. godine održana je poludnevna edukacija za sve zaposlenike suda na kojoj je jedna od tema bila i nasilje nad ženama, femicid. Dio predavanja je predstavljen iz publikacije pod nazivom „Zašto si je ubio“ – uzroci i prevencija femicida. Nakon toga svim zaposlenicima, savjetnica za prevenciju uznemiravanja, je putem e-maila poslala kompletnu publikaciju. S obzirom da publikacija veoma detaljno opisuje vrste i motive nasilja i zlostavljanja – kako nastaje, šta ga održava, zašto eskalira, zatim profiliranje ličnosti nasilnika, kako prepoznati nasilnika i sl., može poslužiti kao prevencija u boljem i pravovremenom prepoznavanju zlostavljanja, kako na radnom mjestu, tako i u svakodnevnom životu.

2. Informacija o aktivnostima, poduzetim u cilju implementacije Strategije za unapređenje rodne ravnopravnosti u pravosuđu BiH, i postignuti rezultati

U okviru implementiranja Strategije za unapređenje rodne ravnopravnosti u pravosuđu BiH, Kantonalni sud u Zenici je prethodne dvije godine sprovodio aktivnosti iz Akcionog plana koji je bio izrađen za period 2022. – 2024. godina.

Akcioni plan Kantonalnog suda za unapređenje rodne ravnopravnosti je sadržavao ukupno 12 mjera gender mainstreaming-a, koje su raspoređene prema četiri Strateška cilja, koji su propisani Strategijom za unapređenje rodne ravnopravnosti.

Pa tako za 1. Strateški cilj su urađene – 3 aktivnosti,

2. Strateški cilj – 2 aktivnosti,

3. Strateški cilj – 3 aktivnosti,

4. Strateški cilj – 4 aktivnosti.

Aktivnosti su osmišljene sa ciljem da se unaprijedi nivo znanja zaposlenika suda o značajnim aspektima rodne ravnopravnosti, da se poveća svjesnost o važnosti uvođenja principa rodne ravnopravnosti i jednakih ljudskih prava bez diskriminacije za sve, te na taj način podigne nivo rodne ravnopravnosti u pravosuđu BiH.

Značajno je spomenuti da je Akcioni plan Kantonalnog suda imao i kontinuirane aktivnosti, to jest one koje su se periodično ponavljale kroz period od 2 godine, npr. svaka 2 mjeseca, zaposlenicima su se putem e-maila slale zanimljive vijesti, članci iz oblasti rodne ravnopravnosti i one mjere koje su bile stalno aktivne, kao što su elektronska knjiga žalbi za slučajeve detekcije diskriminacije na web stranici suda, knjiga žalbi postavljena u pisarnici suda, anonimna anketa za građane takođe na web stranici suda.

Pomenuta kontinuirana mjera je imala efekat održavanja teme rodne ravnopravnosti aktuelnom, usmjeravajući svijest zaposlenika o njenoj važnosti na lokalnom i globalnom nivou, te da je to nešto o čemu i ubuduće je potrebno razmišljati.

Kao što je u prethodnom izvještaju spomenuto, u 2024. godini je bilo preostalo da se realiziraju još 4 (četiri) aktivnosti gender manistreaming-a iz Akcionog plana Kantonalnog suda.

Nosioci realizacije uz koordinaciju predsjednice suda i dalje su bili članovi Radne grupe, koju čine četiri člana, uz uključivanje sekretarke suda i IKT namještenika po potrebi. To je podrazumijevalo povremene sastanke unutar Radne grupe kao i sastanke sa predsjednicom suda, gdje su se kroz diskusije i razmjenu mišljenja iznalazili najbolji načini za sprovođenje aktivnosti.

Tokom 2024. godine nastavilo se sa realiziranjem kontinuirane mjere koja pripada 1. Strateškom cilju, - putem e-maila slati svim zaposlenicima suda neke zanimljive propagandne materijale, najnovije vijesti, zanimljive članke na temu rodne ravnopravnosti, rodnih stereotipa i rodne diskriminacije (seksizma, rodnog uznemiravanja). Obilježavanje i isticanje važnih datuma na globalnom nivou u vezi sa rodnom ravnopravnošću (npr. datum potpisivanja Evropske povelje rodne ravnopravnosti).

Zatim sprovedena je mjera - dostavljanje sudijama tema za razgovor u vezi s tretmanom, rodnom ravnopravnošću i sigurnošću te diskusija o istim na sjednicama odjeljenja, u okviru 3. Strateškog cilja. Urađeno je tako da je jedan od članova radne grupe prisustvovao jednoj od sjednica odjeljenja, npr. jedan član je bio na sjednici građanskog odjeljenja, drugi na krivičnom itd. Zatim prisutnim sudijama, su podijeljene ilustracije na temu rodno senzitivnog jezika, te su podstaknuti bili da prodiskutuju i izraze svoje mišljenje o primjeni rodno senzitivnog jezika u pisanju presuda kao i u svakodnevnoj upotrebi.

Nakon toga u decembru 2024. godine realizirana je aktivnost iz Akcionog plana – edukacija za zaposlene u okviru 4. Strateškog cilja. Edukacija je bila poludnevna i održana je u sudnici, u vidu predavanja za sve zaposlene u saradnji sa Atlantskom inicijativom. Predavačica Atlantske inicijative Majda Halilović, je kroz prezentaciju obradila teme, Uvod u rodnu ravnopravnost i nasilje u porodici i femicid. Takođe predstavila je veoma korisnu publikaciju „Zašto si je ubio“ – uzroci i prevencija femicida, koja je kasnije dostavljena svim zaposlenima putem e-maila, na korištenje.

Na kraju implementaciju ovog dvogodišnjeg Akcionog plana, smo završili sa sprovođenjem anonimne ankete za sve zaposlenike suda, koja kao mjera pripada 2. Strateškom cilju. Namjenski ova mjera je ostavljena kao zadnja, kako bi se adekvatnije

izmjerili postignuti učinci gender mainstreaming-a, na nivo znanja i stavove zaposlenika suda o rodnoj ravnopravnosti.

Planirano je da rezultate ankete iskoristimo i za osmišljavanje sadržaja narednog trogodišnjeg Akcionog plana.

VII ZAKLJUČNE NAPOMENE

Podaci iz izvještaja ukazuju da je ovaj sud i u 2024. godini ostvario dobre rezultate rada. Ovo se posebno odnosi na ostvarene godišnje norme sudija, poštivanja prava na suđenje u razumnom roku, efikasnog rješavanja predmeta i transparentnog rada suda.

Zadaci suda u 2025. godini će biti usmjereni na održavanje ažurnosti svih poslova i zadataka, koja je postignuta u prethodnom periodu, uz daljnje poboljšanje kvaliteta rada, odgovornosti i transparentnosti rada suda i održavanje postignutog nivoa efikasnog izvršavanja svih ostalih poslova i zadataka koji proizlaze iz zakona i drugih pozitivnih propisa. Posebna pažnja će i dalje biti na predmetima ratnih zločina, organizovanog kriminala i korupcije, pa će ovi predmeti imati apsolutni prioritet u radu. Sudska uprava će kontinuirano pratiti i unapređivati radne procese, sa ciljem efikasnog korištenja materijalnih i ljudskih resursa.

Istovremeno, vjerujemo da će nadležni organi vlasti i dalje pružati neophodnu materijalnu potporu kako ne bi bio doveden u pitanje rad suda.

- Prilog:** 1. Protok predmeta po referatima i vrstama predmeta za period od 01.01.2023. do 31.12.2023. godine
2. Protok predmeta po referatima i vrstama predmeta za period od 01.01.2024. do 31.12.2024. godine



Predsjednica suda
Snježana Colaković

Dostavljeno:

- 1x Visokom sudskom i tužilačkom vijeću BiH uz priloge pod brojem 1 i 2
- 1x Vrhovnom sudu FBiH uz priloge pod brojem 1 i 2
- 1x Federalnom ministarstvu pravde uz priloge pod brojem 1 i 2
- 1x Ministarstvu za pravosuđe i upravu Zeničko-dobojskog kantona uz priloge pod brojem 1 i 2
- 1x a/a